

武定詩續鈔 三四五

14
743
18



44
743
18



武定詩續鈔卷三

國朝人 卷四以下俱同

利津李佐賢竹朋編輯

李呈祥 見前鈔

字其旋又字吉津號木齋霑化人明崇禎癸未進士

本朝補編修官至少詹事著東村集公歷官少詹崇禎鄉賢郡志入名臣

傳又霑邑范仲亮先生吉津公傳康熙丁卯歲夏抄少

詹事吉津李先生卒長君進士春纂次先生生平行實

甚悉外有一二逸事余所得於目擊者附錄之先生少

好冥目靜坐如老僧狀初喜稱說象山陽明家言崇禎

辛巳春病劇見大洪蓼洲諸君子於坐中語刺刺不休

旁聽者驚為譎為藝而非也又自言過崇關荒嶺入一

古剎有神作老嫗狀指示以詩曰田田點點下洛陽天拋

卻楊花在前點點不離風在水一丈二尺四尺圓日

武定詩續鈔 卷三

此終身事先生受而莫解每為予道之余謂君是再來
人此禪關也久當自驗又言經游古梵宮見一老僧握
手與語語歷歷可記似夢非夢其病急而元神出舍耶
抑因劇而魂氣遠游耶不則恍惚迷留而妄生景緣耶
癸未秋登進士官詞林寇報沓至同年進士陳丹衷請
募兵入衛授御史職以行見公抵掌談兵務公笑謂
取水西江適借以遁身南徽耳臘暮緘丁幼水書曰宜
與公又繼韓城之故轍矣噫先生其有憂乎甲申春御
饒李建泰於端門見其綬髮飛送官從諛先生獨識
為兵散之兆二月搖光折司天奏帝座移先生攜家步
歸余逆見於蘇家園道其再生事甚苦是秋鼎定徵
舊官由編修侍讀祭酒晉侍講學士陞少詹事以辨明
勅其徇情竊權失用事者意疑其右漢臣也滿臺宜把漢
祖心知其枉改批徙田盛京行事者擬重典以上幸世
手與語語皆十三年前夢中事余寄先生書曰公忘向
年詩乎田田者田其田也點下布之種也此明一侍講
事特借構為講耳洛陽古東都學士看花賦詩之地此

一侍講學士也楊花眼前則詹事時也拋卻者舍此而
去耳點黜者幾及之辭也風主發而水主流謂幾及大
禍而不離乎發遣流徙也一丈二尺四尺共一丈六也
四四為丈六公四十四歲意可得賜還乎又八年庚子
果以四十四歲蒙恩赦還顯晦平陂前定之矣先
生在盛京有送高含章詩緘余與幼水曰三十以前余
死可追三十以後予活何為嗚呼先生之不死於三十
以前者命也其垂死於三十以後者時也因羈八年
敕賜得歸者數也聖主之知也賢臣之報也此中有
天焉嗟夫古之論士必徵其品而不以其跡鶴之鳴於
陰也鴻之漸於達也鷺之振於飛也皜潔者其質耶孤
矯者其性耶抱絕羣之恩而甘與物以摩頓者其必歷
之遭耶世或得而籠之人或得而解衣脫帽抗談在昔覆
目之者亦其全也里居過從解衣脫帽抗談在昔覆
杯臥瓶廬歸田之錄眉山誌林之書自適而已白首
古稀故人零落先生貽予詩云吾黨論交三十年鶴占
劍浦今已矣開卷還如見故人魂來寒夜鏡明裏垂老
念故讀書不輟前身匪幻後禩豈遙來往人間遨游天

上迄今秋風月夜行吟釣盤河畔猶彷彿先生杖履間爾○公詩已載前鈔此十餘首則前鈔所遺者以下凡國朝人已見前鈔而詩增錄者俱倣此

焦山

汎舟望遙青。見樹不見石。一徑入層雲。窈窕仙人跡。磴轉楓葉紅。洲冷荻花白。為尋瘞鶴銘。點畫洗潮汐。作者知為誰。至今珍碎壁。坐憩欲忘歸。月出空江夕。

山居

晨霜耀高原。蒼烟起茅屋。春風掩柴門。應有幽人宿。微徑草芽青。巨石谿流復。適意隨樵夫。忘形入麋鹿。生涯在薄田。牽犁飯

黃犢

廣固城北門

廣固非昔城。城廢門猶故。當時競豪雄。今日空邱墓。往者若有知。來者何不悟。微風送清磬。精舍當衢路。山市起浮烟。初日照高樹。

上巳平山堂修禊分得檻字

修禊聚羣賢。望古情何減。小舟漾曉風。岸柳青可搵。遂至平山堂。輪奐輝朱檻。太守師歐公。締搆光遺範。豐鎬懷舊京。此地如分陝。霜鬢照春花。時序驚荏苒。雅韻非絲竹。佳句即琬琰。曖曖

秣陵烟如帶江波遠渺渺數峯來金焦黛色染心閒政有餘疏
簾臥清簟同樂及良時垂後在約儉更欲舒遐眺草閣就側牖

贈左憲崑

左公入城來問年六十五短髮飄素雪未步身先僕慷慨顧予
言少小豪俠伍千金買娥眉空房貯歌舞青樓連狹邪繡幕調
鸚鵡花封萬里游五馬雄三輔蹉跎忽至今勢如雲落雨雲歸
終有托雨花將安取椎心夜呼天求死甦生乳我乃向翁笑翁
胡不飲醪有子行負薪孫且礪其斧伐彼東海鯨射此南山虎
鯨血濺海紅虎肉將爲脯翁但歸荒村燒寒楫柑吐堅冰轉地

雷春風動天宇深山足靈苗相期在香菘

二月三日祝丁蘿月先生八十壽

昔我始生爲孺子先生已是三十年我今半百漸老大先生矍
鑠猶躡躑比鄰不遭鴉鳴憊時吟佳句互相傳自言鐙下能細
字服藥何如高枕眠平生閱歷似昨夢紛紛蕉鹿皆浮烟眼底
朋儕誰笑語興來樽酒輒陶然教子不急求富貴讀書靜處希
昔賢先生養生固有道胸中浩浩神恒全偶拈棋子消長晝縱
未爛柯亦疑仙此日開顏一瀟灑八十春光清且妍

雜咏 鈔一

長堤界水痕。烟火數家村。老樹橫當路。扁舟直到門。高巖防暴虎。曲芷長癡豚。父老嗟相向。皇華又 聖恩。

山行

水際山迎面。晨光薄未分。危崖懸墜石。宿霧駐流雲。鳥語微風應。花香細草薰。武陵春近在。不是隔人羣。

謝劉薛兩夫子見招金魚池

新秋皎日晶相映。把酒憑軒四望遙。帝闕雲開千仗下。齋壇樹擁萬靈朝。江湖浩渺牽游子。市里囂塵混野樵。杖屨從容欣侍側。玄言似許聽清韶。

送孫枚先祭浙鎮南海便道還里

詔發太常蒼水玉。親持祠部紫泥函。龍蛇冠劍塗山北。翡翠珊瑚粵海南。萬里王程游自壯。千年勝蹟到應探。聖朝近日多新政。過里先為父老談。

十七日同蘇竹浦暨張孺野季修兄弟登長干寶塔

東南玉柱立層霄。躡電梯雲上寂寥。下界流金懸日彩。天光劈練湧江潮。闌中鐙月成三世。眼底風烟過六朝。何事大鵬勞健翮。振衣早已駕扶搖。

恒嶽恭紀四章 鈔一

武定詩續錄
太行東下勢崔嵬。嶽廟高依北極開。溟海曾聞鵬化去。遼城親見鶴飛迴。虞廷玉簡傳靈祀。漢苑金莖獻壽杯。好向收藏窺造化。凌雲真有歲寒材。

夕過濱州

作客還家意緒勞。寒烟落日澹林皋。風聲怒起崩城角。海氣鹹深結地毛。市遠求薪車轍古。瓶空汲井縞痕高。也知民力征輸盡。薄地春耕愧汝曹。

二日流鐘口曉起聞鐘

到家一舍曉從容。雨雪舟車路幾重。冷照鄉心千里月。清回旅

夢五更鐘。平生自省真狂客。垂暮深慙作老農。近郭田荒耕未得。卻將吳越說游蹤。

蘇村曉發

秋老寒空夜氣新。霜華如練月如銀。危橋馬渡疑無地。遠舍鷄鳴覺有人。誰謂衰年堪道路。自知俗骨合風塵。還將勝友烟霞意。一問桃源洞裏春。

除日

萬丈寒冰皎絕塵。雪中松柏益精神。殘軀那得閒無事。自寫春聯送四鄰。

吳汝亮

見前鈔

字仲闇號海嶠霑化人明崇禎壬午舉人本朝官江

甯知縣著半紫樓稿徒水釣草公家傳令江甯有惠政行謹戴郡邑乘及一統

志

九月一日登海豐文昌閣次丁恪臣明府韻

高閣峻嶒傍錦城憑欄極目盡秋晴龍來湖上猶遺劍鶴住山頭共聽笙雲樹重重天地遠關河歷歷畫圖清東籬況值花期近載酒重過月正明

毛如瑜

見前鈔

字貴甫自號太瘦生陽信人明諸生著太瘦生稿

登北嶽

恒嶽嶙峋四望開正逢春色氣佳哉風烟下瞰中原盡形勢遙從萬里來手接星辰依座近身經虎豹扣關迴吾廬東岱登臨舊爭長崔巍未易裁

朱

鈺 見前鈔

字子濤號巖公陽信人明諸生著巖公詩集糊庵草一

劍草陽信志文行傳鈺素以忠孝自命睥睨當世有覽

濟澄清之志遭世大亂與毛生如瑜光生嶽奇悲歌慷慨見于篇章天下旣定浪游吳越旣歸遂卒

武定詩續集
秋郊

秋雨下秋陰。蕭涼此更深。微風聞落葉。寒霧鎖空林。慷慨千年事。低回一寸心。偶然動遐思。日暮發長吟。

李道昌

見前鈔

字丕先號匪莪海豐人順治丙戌進士授御史終大理寺寺正著游屐臨洮等草

新秋感懷

隴外秋聲晚更寒。黃沙何處問長安。一官遠去螭螭塞。萬里誰知解豸冠。麥穗禁風翻翠浪。臨洮立秋麥尚未熟菊花含露冷金盤。臨洮有山

菊花甚大從前漫道無衣賦。野老羊裘此日看。

張逸

字二瞻海豐人順治丙戌進士官車駕司郎中調延平同知著拙訥居草

送張緘三

隣君不得志。羸馬去都城。酒下故人淚。歌深秋士情。羽疏難自奮。音澁向誰鳴。物態已如此。翛然雲外耕。

史以明

見前鈔

字子敏樂陵人歲貢

郡志文苑傳以明博極羣書二十

諸生有聲甲申聞變以祖父世受明恩悲不自勝鬱鬱成癩自此不應試終以歲貢老

壬辰夏秋霖雨

夏秋甲子皆大雨。黑風驅雲迷辰午。西北聲吼東南飛。拔木不須吳剛斧。何物射天漏難補。兩月不乾憐后土。淫潦連縣繼且昏。況復社囊羞阿堵。鷓鴣賸得一枝棲。四壁傾圯如水渚。出門偶話田舍翁。怨咨更作愁顏撫。自言輪囷且疏。千鍾萬鍾成朽腐。期望滿倉大有秋。不獲納稼十失五。蒼髯庶民囚首悲。爾田爾止憐凋苦。蛟龍互鬪狼不開。淫涎怒沫成縷縷。安得一輪紅日萬物覩。

杜曦

字子昭。號遠菴。濱州人。諸生。州志：曦少負奇才。十二歲補弟子員。博極羣書。中年

多病。乃棄帖括。益肆力於古文詩歌。

秋曉

夢醒夜未竟。曉月涵窗虛。披衣盼庭除。草木何蕭疏。點滴微有聲。秋露流如珠。耿耿三五星。挂天西南隅。徘徊憑曲欄。涼風吹我裾。悵然生遠想。君子意何如。

杜杲

字子晉。號鞠陵。濱州人。子昭公弟。官監生。州志：杲詩文俊逸。極為阮

亭所稱賞

村居即事

霜日出清曉。晴暉散北林。葉乾痕沒屐。枝脫影留禽。明牖難書坐。閒堦負杖吟。村居樂幽寂。誰識此時心。

寓居海上

海上久棲泊。鄉人安樸愚。田荒鄰代耨。歲歉主捐租。廣澤牛羊散。衰翁子弟扶。此風甯易覩。得似葛天無。

杜

濼 見前鈔

字子濼。號湄村。濱州人。前鈔友伯公孫順。治丁亥進士。

官至河南參政著湄湖吟集

公行誼政蹟詳通志墓誌

治魏惟度憲序公詩體取幽異詞芟繁郁其妙解在悟其雄渾在氣其純粹在養其情致必真其景象必肖即起唐之攻本業者肆力其間亦罔有先之者

苦雨吟

屏翳虐生黎。秋霖沼阡陌。積水吞平疇。奔湍劃沙磧。長霓亘天關。怒射晚霞赤。審此堦墀間。朝潮暮則汐。攜書榻屢遷。甯復安枕席。夜久抱琴坐。竹屋生虛白。涼飈澹清景。微溜澄幽魄。林壑忽青蒨。庭花乃狼藉。願及縣曜出。晞我階上碧。詠歌南畝中。呼童種牟麥。

讀蘇頲濱老子新解

庭虛書韻寂。肅肅松風聲。閒窗對蠨網。遺盡世上情。嗟彼競逐士。憧憧如飛蠅。學道身已暮。榮悴比舜英。東軒一長老。逃禪得無生。建瓴說宗旨。齒頰森縱橫。蹉跌海康間。復爲柱下評。禪與道匪二。性重命未輕。指月甯復眩。處窪始能盈。譬如畫工者。模人象其睛。兩睛不相覩。所視惟一明。畫者止一手。兩睛胡兩營。知手無是處。是乃兩睛成。子瞻藤州遇。微辭書輒更。吁嗟毘陵語。知弟莫若兄。

聞泐黃石劉仁侯周樂園游蔣山見憶賦此謝之

朝遊桃葉渡。暮返龍江湄。迷離夏雲薄。蕭颯長風吹。歸來坐閒館。芳草如綠絲。擷取不盈把。持贈當爲誰。海月夜初上。新桐露正滋。照余不得意。解余長相思。知君游蔣山。八德水之涯。靈谷五里松。荒徑何委蛇。景陽及晨動。深景媚幽姿。座中盡賢豪。清談握五芝。應念向隅客。不得相追隨。

三崑寺

懸泉瀉影流日光。西出崑崙拜扶桑。遠望蒼翠雲錦藏。平裁罔勢分天章。崖巔裹田叢蜂房。旋渦下走如瓶漿。大洞當流雨濺裳。旁穿三五穴陰涼。怪石突兀如面牆。天工鬼斧截雁肪。虛聞

高坐大法王。未知何日疲津梁。鏡池鑄月龍象旁。去寺百步流
湯湯。有亭枕崑垂隱囊。削壁帶蘿形如匡。新芽初焙紫茸香。老
衲臨鐫汗數行。南明千載列石牀。白鷗飛來落滄浪。我欲從之
游大荒。

壽沈同寅

相得真如此。天涯同氣親。杯樽多久約。膠漆有前因。不藥身猶
健。耽詩腹自春。嶽芝贈盈把。為閱歲華新。

贈馬在天

常聞英氣比殷雷。蹈海擔簦念已灰。世上何人如狗監。匣中有

劍卽龍媒。青城賣藥疇時客。白社逢君此日杯。且莫掉頭辭一
醉。幾年懷抱為誰開。

鼎湖

鼎鑄軒轅不計年。步虛仙樂靜排連。金華一葉新封建。玉柱千
尋古洞天。草化龍髯珠乳細。巖留虎跡石苔圓。擔簦採藥人歸
去。莫向塵埃寄此編。

贈李泰宇

羣龍野戰去遙空。今古元黃一郵中。建鄴才人情放逸。幽燕老
將氣沈雄。蠶叢路絕縣車度。蛟窟雲深折葦通。聞說長安多少

事回頭不語看飛鴻。

和宋魯分來湄草堂韻兼以工部句題柱

聞君卜築水之湄。茆覆新椽木幾枝。何地可容狂客墨。此中消得古人詩。移牀壓酒心常醉。繞徑看經手自持。莫怪張融舟作屋。冰輪不隔夜深時。

江上卽事

三江橋下捲蒼波。立馬長隄看牧駝。風狎敝帆斜到水。潮攻新港大於河。秋空鐵甕浮天遠。晚照銀山落雪多。誰向中流重擊楫。蘆烟輕送扣舷歌。

蘇文忠雪浪石

昔賢爲事不同流。元祐時人看作仇。斯石解逢知己在。夜隨風雨到儋州。

端午竹枝辭

鈔一

艾藍不染女工閒。纖指朱絲佩小鬟。共向池邊貪照影。水清拋下鑲金鏡。

游雲門山路經鐵鶴觀卽事

路轉雲門石徑斜。羣峯深抱野人家。閒聽鐵鶴樓中笛。醉裏春風落杏花。

韓魏公衆春園

衆春園已古今名。將相功勳唾手成。滄水拍天漁艇小。著來簞笠拜先生。

范明徵 見前鈔

字仲亮號雪崖霑化人歲貢著雪崖詩集文集天文圖

文廟崇祀考公歿後漁洋先生爲之立傳傳載前鈔又爲祭文其畧曰余與先生忝平生交先生

之存歿關道統之絕續斯文之興廢盡然而悲蓋爲吾道斯文非止聞山陽之笛霑雁門之襟已也嗚呼先生之傳於後者詎在言語文字間耶然先生曾襟恬曠天懷洒脫有陶元亮之高排難解紛不計恩怨有魯仲連之誼勸善懲惡化被鄉黨有王彥方之風論前代之史剖決是非昭示大義誅奸諛於既死發潛德之幽光如

日星之不可掩如山岳之不可移而尤於朱陸異同之辨虛懷折衷不肯媿阿以投時好嗚呼可以爲難矣孰謂先生之可傳者不在此語言文字間耶○郡志入儒林傳

永思堂十歌 鈔二

永思堂者丁幼水之堂其先公吏部郎念源先生所建少詹事黃石齋先生所名者也乙未夏幼水以考選京邸羈留數載裘敝金盡稱貸而歸權子母而逼之易此以償行人過指心爲惻然其友人范仲亮悲之呼永思而歌焉亦丁都護之遺意也

永思堂永思堂鹿走黃臺事可傷回首姑蘇空借問銀牀素綆

屬吳王

初借之妹氏蘇家不得後乃賣其前半與吳後半與王

永思堂永思堂歌舞當年透晚廊寂寞來春人去後呢喃燕淚落空梁

送陰雲礎邑侯擢遷給諫

海縣春回轉曉鶯官橋柳色映雙旌囊餘單父琴仍在袖有監門圖乍成結襪漫勞漢廷尉彈冠甘讓魯諸生惟期奏疏傳新稿一為摩挲老眼明

花燭辭

有引 鈔六

山居寡侶每與彩筆為親石室無題遂爾感時乘興要

使事皆可咏庶幾情見乎辭况茲禾稼已升婚姻畢舉南鄰嫁女纔聞百輛之聲北里迎妻又見三周之御觀風不異問俗攸同兒女情多聊綴琴瑟之美室家誼重代傳花燭之詩得七言絕句二十四首詞多從俚為其通於俗稱語不宜淫猶恐傷乎雅道本性情之自然為風流之佳話載咏歌鼓用美倡隨云爾

通媒

開奩花勝照妝樓紅粉臺前又見鉤睨看旁人佯不語郎家新送玉搔頭

親迎

玉虬紫馬入迎時。花帽雙雙奠雁卮。堂上新郎纔罷酒。閨中忙
煞索胭脂。

御輪

一夜星河有徑通。清流十里盡湖東。人間乍入天台路。看見桃
花處處紅。

俟著

桃花衫子芙蓉裳。旋下香車引洞房。步步瓊瑜開錦徑。聲聲環
珮逆長廊。

換妝

和成膏沐染雙眉。斂起新妝欲語遲。阿嫂情知姑尙小。近前囑
付許多時。

入房

一見卿卿玉不如。當初媒信果非虛。儂家未有千金嫁。爲爾多
裝兩部書。

乙酉十月游南湖書院

湖面城樓一鏡懸。東風吹凍畫橋前。只今惟有堂中字。猶記崇
禎十六年。

蘇竹浦妾倩兮得子

不記夷光生子未。罔聞瓊樹有兒無。奇緣爭似今蘇小。捧得懷中一小蘇。

嵒湖春水碧沈沈。意欲從君不計深。玉筍兩行憐妾貌。眞珠一顆照郎心。

閨怨

寂寞重簾不捲愁。畫眉人去幾經秋。縱憐妾意如山重。未必君情似水流。

鏡袋

學梳鬆鬢整新翹。淡淡春山此正描。歛起芙蓉婉轉看。阿郎那不念奴嬌。

合歡宮裏曉烟侵。寶鏡新摩呵護深。紅粉臺前一皓月。碧紗窗下兩同心。

早杏餽丁幼水

迷馬村中杏子黃。呼童馳送故人嘗。樓頭笑殺如花妾。道似紅塵荔子香。

玉簪花

仙子頭前搔玉斜。月明墜落野人家。清香不是凡間物。隨卻西

風變作花。

蘇毓眉

見前鈔

字遵山。號竹浦。霑化人。順治甲午舉人。官曹州學正。著竹嘯和陶鹿場半船諸詩。乞齋草等集。

海淀

曲曲西山路。名園別有天。疊山通鶴徑。引水放漁船。嘉木千尋古。奇花十畝鮮。游人酣石上。此地即平泉。

種苔

偶泛西園秋水。因攜驢背蒼苔。種向齋前小甕。雨餘青入簾來。

張

瓚

見前鈔

字公執。號容菴。武定州人。順治甲午拔貢。官浙江新城。知縣內遷中書。著瑞榴堂集。東安餘嘯。東安詩詞選。

登天柱山

山上有龍池。池中魚四足。赤腹人呼爲龍子。唐大中時。又有獨角仙人之異。

一柱屹然立。峻嶒插碧霄。嵐分天目雨。松帶浙江潮。龍子虛傳異。仙人不可招。回看塵市內。城郭憶鷓鴣。

馬宛毅

見前鈔

字鳩式陽信人順治乙未拔貢

次方壺秋日齋居卽事

尋幽來竹徑。策杖啟柴扉。剝棗因風墜。烹葵帶露肥。夕陽蟬欲斷。秋社燕思歸。落日橫城郭。蒼蒼野色圍。

尹天民 見前鈔

字先之武定州人歲貢著鈍齋敝帚集

六石舅自山西歸里過訪

別久此相尋。秋霜鬢已侵。河山三晉遠。風雨二陵深。感慨情何極。飛揚氣不禁。獨餘懷古意。相對歲寒心。

王敬公 見前鈔

字漢淑號爾成商河人順治戊戌進士官行人司行人

著粲亭初草

宿花城寺

寺廢名猶在。荒山遠似城。一村歸劫火。獨戍見殘兵。魑魅逐風嘯。豺狼當路橫。旅人愁不寐。聽盡露雞聲。

陽邱道中

谷口雲埋一徑斜。荒烟老樹叫殘鴉。山村寂寞行人少。落日風吹躑躅花。

秋怨

浮萍影斷蓼花汀。一曲笛聲中夜聽。銀漢初低波月冷。含情獨自數流螢。

劉新國 見前鈔

字師文陽信人歲貢官鎮安知縣

藍田十二盤嶺歌

上山下山行復住。喘息未定日愁暮。回首幾別嶺上雲。拂衣亂下松間露。陰崖處處怯冰滑。躋攀往往遭石妒。我僕呼時谷應聲。我馬嘶時麋驚顧。臥柳架橋橫一枝。噴泉濺面闊百步。行盡

夕陽不見人。野店蒼茫鴉滿樹。

張楫 見前鈔

字友舟樂陵人虛齋公從弟順治戊子順天副貢官淮

安通判著南游紀事詩公家傳兄孟鐸在遼州值姜瓖

為功初官雲南徵江府倅吳藩謀逆懼為所掩取求進表入都因免於難再補淮安護理淮徐道印。郡志入循良傳

憶魏親翁贈別句

憶君臨別句。繾綣未曾消。雲暗秦淮月。風催采石潮。橈輕知水漲。春老惜花嬌。貽我江南景。清光尙可招。

張璣 見前鈔

字丹書別號方壺外史陽信人順治戊子拔貢官廣東海陽知縣著盼柯堂詩文集

秋郊

長林颯颯沈松濤一望平蕪秋氣高隴上草疏餘兔窟園中葉落見梟桃天寒茅舍鳴砧杵雨足菘畦廢桔槔惟願豐盈完課稅好蒸秬黍醉新醪

武定詩續鈔卷四

利津李佐賢竹朋編輯

王清 見前鈔

字素修一字冰壺號思齋海豐人順治己丑進士由編

修官至吏部左侍郎著留餘堂詩文稿益都馮文毅相

二十成進士授編修順治十二年分校會試康熙元年
陞內宏文院學士四年充會試總裁五年掌教習庶吉
士陞刑部侍郎九年會試再充總裁官調吏部侍郎而
卒年僅四十有三公事父母孝友恭兄弟其在刑部尤
多所平反及遷吏部務持大體其偏失為文典雅
醕正主文衡擢士皆當時譽望○公入郡志名臣傳

臘月蕭山道中

曉過西陵渡。新晴曙色濃。好山皆似畫。細草不藏蹤。鳥語幽篁
密。人烟宿靄重。千巖行且至。輕策試相從。

同廣菴觀揚雲知郊園小飲

喜幽來此地。乘興有諸君。槐密低含日。松高半拂雲。傾觴淺草
坐。度曲落花分。徙倚未能去。西山鶴幾羣。

送楊地一讀學假歸

十年館閣擅才名。仙鷁乘春問去程。人是子雲詞賦爛。堂開晝
錦笏袍榮。一時霖雨蒼生望。三晉風烟故國情。卽擬趨裝還
帝里。千秋事業在承明。

辛丑三月同李匪莪吳槃陸海嶠游西山得四首 鈔二

石景山

一峯突兀峙河干。蠟屐登臨春未殘。高閣虛浮山勢動。驚濤俯
聽水聲寒。雲中宮闕分明見。杖底星辰取次看。猶憶 先皇此
駐蹕。蹕傷心不忍過柔乾。

來青軒

峯峯迴合此峯幽。選勝登臨最上頭。俯檻乍疑雙闕雨。憑高先
得萬山秋。到來鐘磬塵都靜。坐久衣衫翠欲浮。銀榜相輝雲物
曉。幾回徙倚更遲留。

劉世藻

樂陵人康熙甲午舉人

文昌閣課文卽事

誌公飛錫處結社集英才古木參天迥奇花傍徑開鶯聲酬好句蝶舞向層臺入夜晴霄麗文星耀上台

張士睿 見前鈔

字思公號古狂樂陵人虛齋公姪諸生著五恕齋詩集

公家乘性迂直樸謹有向禽之志燕豫晉楚吳越恣其游覽一生不言名利事內典岐黃星卜之術皆涉藩籬善書法精音律歿之日鄉謚文介

對飲潘氏西園

久坐思豪飲迎涼更上樓雲開千里濶風緊一天秋勝友無驚座傳觴有莫愁佳筵當徹夜莫漫問更籌

吳自肅 見前鈔

字在公號克庵海豐人康熙甲辰進士官河東參議道

以孫紹詩贈尙書著萬行草我堂存稿

郡志名臣傳自肅授萬載令值袁州盜起士民欲挾以降自肅叱曰爾等受國厚恩若從逆事敗族矣乃爲治戰守具遣家丁率勇夜襲賊壘賊驚潰將軍夏國相啖以百計自肅縛使獻其書上嘉曰忠貞擢中書歷遷刑部郎中視學滇南報滿留修滇志一時推爲燕許復命回籍終養服闋值山西有張化金之變特簡河東監司單騎入賊窟

論以順逆賊皆降蒲州有水患相其勢蓄洩之修文廟立書院人才多所造就以老告歸卒年八十四城○崇祀江西雲南山西三省名宦

白雪樓

趵突泉東古高樓。白雪榜字金還留。當時七子樹旗鼓。歷下獨霸雄諸侯。足可軼羣真。良馬技能若解無全牛。後人立論有門戶。騎毛何必深吹求。文人相輕類如此。譬如同室操戈矛。少陵一代稱詩聖。直駕屈宋鞭曹劉。今人不薄古人愛。虛懷獨許高千秋。山龍華蟲總在裘。白狐黑貂皆名裘。北風大雪調誰和。登樓使我懷前修。

飛雲嶽

日月弄丸作昏曉。雲氣蒸山山不了。黔南巖壑最奇絕。萬象森羅凌意表。飛雲一龕自天成。山耶雲耶互糾繞。吳生神筆染未工。輞川詩境嗟還小。游人到此意飄飄。欲謝人間浮縹緲。卽今跨上躡雲驄。更向山頭想騷衷。

蒼石歌

北方間有大理石。幾疑點染出丹碧。我今親走洱蒼道。畫禪詩筆皆壓倒。或如羣山過新雨。歷歷巒嶂清可數。忽然大地作黃昏。鞭石架海來崑崙。又見茅屋兩三處。門對寒岳飛擘絮。拳石

瑣細態盡真。翔禽伏獸如通神。下爲江河上爲瀑。曲折源流分
往復。山川厯落寫象形。雲陽太息媪神哭。別有天工與地靈。眼
中足底何曾經。欲割三山橫作榻。思裁五嶽張爲屏。此山山峯
十有九。樞軸乾坤無不有。獨嗟阻險藏奇珍。剔幽穿曲勞吾民。

岳泉山石

迤東景物惟宜良。驅車兩度神仿佯。樓閣參差遮楊柳。園林錯
落叢幽篁。蓬萊增影雲中出。寶洪天外烟微茫。帶郭有山藏古
刹。鬱葱氣色摩青蒼。日午停驂發幽興。賈勇不惜盤羊腸。緇衣
黃冠紛引道。紅雲紫氣遙相望。忽見懸崖豁雙目。凌空削出驚

非常。磊磊欺結如絮擘。崕岬突兀形鳴張。亂綠倒垂含宿雨。離
披斑剝流丹黃。游情正好舒狂嘯。迎人鳥語偏悠揚。欲行且止
意未已。品泉又使青鞵忙。南顧尋來數弓地。一泓澄澈開方塘。
暗通石罅清且淺。潛流出谷聲浪浪。老龍化作雙籐蕩。撐拒白
日扶晶光。結坐移時神骨冷。拾級長嘯登雲房。高低自然成位
置。天工人力勞參詳。橫側峯巒露面目。變滅雲氣成文章。戀賞
不辭歸路晚。鼓吹幾部喧斜陽。

月下獨酌

一樽聊對影。靜坐此空庭。吞吐雲中月。浮沈水底星。催寒憐促

織墮夜失流螢。松下一長嘯。蒼茫天地青。

舍城寺

地僻無兵火。山留太史名。暝烟籠萬嶺。落日照孤城。捫壁懷前輩。題詩感後生。他年登眺者。千古有同情。

臨安署樓

溫風方釀暑。冷雨卻含秋。海近潮生枕。天低霧滿樓。臨風呼魯酒。坐月看吳鉤。年少多狂態。而今已白頭。

再過泰國寺

杖底烟霞眼底盡。雲中樓閣座中開。山憐過客雲還去。鳥識故

人來復來。隔歲蠻歌猶灑落。片時僧話且徘徊。磨崖便欲留名字。忽聽松濤萬壑哀。

滇中雜詠

八千里外此為官。大雅扶輪事最難。敢道珊瑚能結網。須知鉛汞總成丹。賞春花信驚飛電。入世名心笑轉丸。且喜當前多樂趣。蠻烟山雨亦相安。

閱盡東西雨迤山。春風秋雨入衰顏。年來未解清為傲。老去方知好是閒。家在白雲勞悵望。夢隨明月度間關。詩僧頭過相酬和。賴爾消愁補大還。

宿江甯鎮

滿江風雪走天涯。北望齊雲不見家。歲暮遙知小兒女。閨中夜
夜卜燈花。

吳自沖

見前鈔

字雲洲海豐人克菴公從弟諸生著留雲閣詩集

寓偃城白衣巷夜讀宋汝吉詩

夜半罡風捲屋瓦。一燈羃歷秋檐下。不眠起讀宋子詩。恍如天
轉洪濤瀉。挾天之才近無有。別裁偽體稱巨手。如君真可闢蠶
叢。鞭策盧駱效奔走。拍浮按卷燈前立。調清金石鬼神泣。薜荔

孤峯鰲湧出。四望水天遙。車馬塵難到。魚龍浪不驕。鐘沈京口
樹。梵動海門潮。擬把驚人句。高吟問碧霄。

吳初夏卽事

垂檐新綠滿。斗室自徘徊。牕破放蜂出。簾開候燕來。空庭收急
雨。遠岫過輕雷。好友論文至。呼童啟舊醅。

山行阻雨

黑雲驚四起。劃地電光紅。傘敵旁來雨。衣飄側捲風。羣峯埋霧
裏。亂水匯谿中。立馬荒祠下。泥痕面面同。

蠻村

萬山當馬首。天遠悵愁魂。瘦日沈殘壘。饑烟生破村。傍人妖鳥
喚。過澗毒蛇奔。失路憑誰問。行行認轍痕。

雨後野望

三眠起後柳初醒。入眼羣峯似木青。草徑水渾浴蚪蚪。菱池香
煖獵蜻蜓。客行風露猶沾屐。鳥立高枝欲曬翎。惟有農夫惜時
節。荷鋤早已出林坵。

吳象義

字則之。海豐人。克菴公子。布衣。

公弟象寬撰公傳庚午則之省家大人於滇大
人驚喜攜出示賓客曰此十四歲兒天末省親者也一
座傾目辛巳鼠牙突起舉家風鶴則之曰吾將走死關

聲中來吟魂。紙屏閃閃佛光入。大雅爾今屬誰曹。嗟乎宋子真
人豪。嘻乎宋子真人豪。酌酒為君哭楚騷。

長歌贈別劉伯武

伯武伯武爾乃文壇跋扈之將軍。冒羅五岳氣吞雲夢八九分。
索隱抉奧鑿破混沌。直欲據地屹天叫。開闔闔排層雲。嗟余落
拓長安裏。與余一見便期白首。何須片語通殷勤。示我以如雲
似雪之肝膈。豁我以嶽崎厯落龍蛇變化之奇文。吁嗟乎高岑
王孟不復作。標盜疲薶徒紛紜。今後聞君蒲牢之響。視我嘔啣
之音。真如蚓竅蠅鳴。何足以動大雅之聽聞。君不見。天守非

正定詩續金
常待詞客如君之才自當披香玉殿珥筆金門黼黻日月立功
勲愧余羽毛苦拘束哀鳴處處歎離羣方幸天涯接比鄰與爾
賞奇析疑稱知己何期負米歸去戲綵萊庭遽返洵水之濱自
今以後歲暮索居獨抑鬱其誰語惟願子馬首及蚤返春明當
與子脫帽露頂搗箏伐鼓黃金臺上醉斜曛

雨後山門

山迴苔徑滑暗雨未分時急水噴巖竇流雲掛樹枝蹊侵芳草
合谷納溼烟遲醉肉消磨盡年年泣路歧

金山寺

下矣大人曰吾素矢忠貞不幸見訾乃若輩妒而翁也
今勢方際原汝無重益吾憂則之泣而止於是破產畢
市以行久之事未解隻身走晉陽三閱月而連日一食
山中遇雹舉征囊捍首顛躓勿憚燕晉相距千餘里往
復若南北舍壬午大人歸家指寬等曰微爾兄爾無父
矣命羅拜之卒年二十有七大人痛之賜謚孝悼命寬
為之傳

自題出獵小照

平林葉落野蕭蕭單騎橫弓箭在腰當道豺狼須躑躅相逢狹
路肯輕饒

吳象寬

見前鈔

字居之號芝園海豐人克菴公子康熙癸卯恩科進

士官黃梅知縣著芝園詩集甯遠書鈔

郡志循良傳象寬初任黃安令

值歲歉捐廉俸賑之弗給乃募其鄉之有力者得粟千斛別緩急以恤災黎全活無算黃舊多盜寬至悉遁去調咸甯縣俗好訟奸民張食肆於縣署前唆訟寬擒數人置於法訟以漸稀地瀕湖多水患寬厚給僱值築隄民獲安處尋被議鐫級引見復職再補黃梅縣以疾歸

十一月七日雪霽月出

六花飛乍歇。蟾光新又暹。霽色固已佳。清輝況交併。雪寒澄月色。月明蕩雪影。譬之尹與邢。並肩競素靚。美人立前楹。恍惚非人境。骨冷神逾清。夜寂心常惺。太息夢中人。虛此庭前景。

田家雜興 鈔二

舉舉誰家子。搢衣入我廬。光華矜顧盼。自稱業為儒。十年京洛塵。端坐講唐虞。為君營一飯。起坐自躊躇。謀婦炊新黍。呼兒翦園蔬。客意不能飽。似歎食無魚。吁嗟彼何人。不讀農家書。生女學蠶織。生男學播穀。村落數十家。長幼盡一族。今年歲事登。令兒入村塾。但欲記姓名。非敢學干祿。夏秋農正忙。亞旅相追逐。老妻佐饁餉。少女下村塾。村塾兒晚歸。腰鎌司牛牧。

武陵書懷

二毛侵歲晚。百感念離羣。市上無齊語。山邊盡楚雲。書來鄉緒亂。夢破雨聲聞。咄咄誰知己。鑪香手自焚。

黃安省耕

小隊出江城。乘陽爲省耕。勸農天子詔。簞食野人情。古寺古梅發。春田春水生。前村深樹裏。獨坐一鶯鳴。

上元平谿衛和壁間韻

蕭鼓填填入夜闌。數家鐙火亂江干。孤心冷似沾泥絮。黔路難如逆水灘。遠道吉凶偏信夢。亂山風雨易生寒。去年此夕分明記。白髮庭前倚杖看。

冬日雜吟

迂儒只合老烟蘿。濡尾曾經宦海波。如柳土師三黜少。似張平

子四愁多。山中宰相人誰是。馬上將軍老奈何。若使此身重健在。晚來好試魯陽戈。

焚香掃地守三餘。捫腹閒庭步自徐。學圃學農生易足。呼牛呼馬我何居。搢牀龜息真禪定。戴笠蟻忙也趁墟。物理頻推還內省。一杯卯酒任蘧蘧。

田園興好足遨游。方寸何能集百憂。粒食無心學蚯蚓。微名有角笑蝸牛。閒來陌上扶筇立。喜到筵前擊筯謳。身際太平歲豐美。還同兒輩卜藏鉤。

張宣

見前鈔

字儀陸。號滄湄。濱州人。康熙己未進士。官浙川知縣。著
西田登岱荆塗諸草濠梁塗吟丹崖集

阮亭先生南海集有梅心驛南作二首。適經其地。依韻和
之。鈔一

驛車入山中。連峯盡雲樹。夕陽漸黃昏。依依上嵐霧。梵音出翠
微。雲深知何處。澗水激石鳴。崩澗聲如怒。晚風吹客衣。颯颯微
雨雨。欲投人烟宿。岡巒紛錯互。遙聞吹角聲。暗轉谷口去。

述懷

夙抱宜邱壑。偶爾分郎宿。方泄濠水濱。又攝荆石右。積案紛盤

錯。東西亟奔走。斬然理亂絲。鞅掌勞昏晝。公退稍餘暇。圖書羅
前後。戶牖通雲烟。几閣出嵐岫。幸無愧衾影。安恤人訾詬。灑然
啟北窗。清風滿懷袖。

宿棲霞寺

孤山惟白石。古寺有棲霞。僧定雲同住。山空月正華。息心觀色
相。寂照悟曇花。一榻禪房冷。中庭樹影斜。

張 隆 見前鈔

字湛謀。號耐可。濱州人。康熙丙辰進士官吳縣知縣。著
歸來吟

唐六如墓

墓在桃花塢康熙甲戌中丞宋公檄余封土築亭事竣
記以詩云

桃花塢靜竹烟深。才子風流尚可尋。人似謝鯤多本事。客逢吳
儻一狂吟。荒碑苔沒傳埋骨。新廟暈飛遇賞音。漫道廢興由定
數。古來名迹幾銷沈。

紀之健

見前鈔

字野亭利津人康熙壬戌進士官廣東道御史

水月菴

結構纔方丈。臨垆復水濱。江聲時到榻。山色遠宜人。種菊清無
比。逢僧淡可親。為貪名勝地。不厭往來頻。

王克孝

字百原海豐人康熙丁卯舉人官教授

曉起

夢回五夜尚遙遙。起坐纔當鐘動初。茶竈火消添楫杓。墨池冰
壯驗蟾蜍。肌寒沾酒宜多酌。髮脫遺簪自懶梳。埽地焚香勤靜
課。偶然借住亦吾廬。

史敬勝

字丹書樂陵人諸生

立秋夜雨

桐葉落庭陰。秋聲何處尋。寒風驚病骨。夜雨滴鄉心。寂寂孤鐙燼。微微遠漏沈。炎涼翻覆事。悽絕不成吟。

張端泰

字本公號鄰雲海豐人諸生著石琴齋吟草

宋廉訪蒙泉傳先生淡泊恬靜不染世味惟嗜琴三十年不去手端居一室里人罕見其面若以琴請者雖童穉必為鼓數曲

彈歸去來詞

誰識瑤琴上。歸來一片心。羲皇千載接。邱壑七絃深。逸韻臨徽

泛餘音繞座沈。南窗容寄傲。譜入短長吟。

曾繼美 見前鈔

字秀文號海岳陽信人前鈔仲彥公弟諸生

題岳生草堂卽索新釀

日尋曲徑踏蒼苔。為愛高齋傍水隈。花落澄潭魚唼去。烟籠深樹鳥穿來。宅邊不少南村趣。座上難空北海杯。好覓素心三兩輩。就君籬下發新醅。

丁瑛 見前鈔

號孝齋陽信人康熙丁丑拔貢官汧陽知縣

夜雪乍晴有懷楊進士

方柄投園笑此身。楊君知我最能貧。雨前茗飲憐清夢。雪後梅花憶故人。單父城頭宵漏遠。薄姑祠畔月華新。關河千里歸期誤。幾日風光又早春。

李

頌 見前鈔

字西音號惕菴。霑化人。吉津公子。康熙癸未進士官石

隸知縣。著留隸吟。閩游草。獲我齋稿。長洲沈宗伯歸愚

集以真性情發為真風雅。不煩斤削。自然合節。郡志文苑傳。頌好讀書。孝友謙厚。與物無忤。甫冠舉鄉薦。登康熙癸未進士。歷任石隸。德清令。以慈惠稱。致仕後。優游詩酒。二十餘年。壽至八十。著有獲我齋稿。公為吾

母之高祖詩承吉津公家傳淵源有自惜皆散佚稿已不存僅見此首於山左詩續鈔存之

夜泊延平

連朝風雨勢憑凌。逆水牽舟力不勝。估舶貪程爭渡口。酒家遲客掛帘鐙。黑雲驟壓城頭暗。銀漢徐開波面澄。莫問來晨灘路險。且看船畔起魚罾。

李百亮

見前鈔

字子亮。號月江。霑化人。諸生。著秋水吟。小隱園。長春山

房等集

春暮同子睿子木兩兄游在東園

春光將盡日。結伴踏東臯。花氣凝香霧。松聲捲翠濤。簾因遊月捲。臺爲看山高。只此饒幽興。何勞遠避囂。

村居

地偏心更遠。不復近塵氛。谿爲環門曲。山從抱郭分。竹窗遲上月。松徑晚生雲。寂寞黃昏後。鐘聲隔岸聞。

潘內召

見前鈔

字羹臣。號臥廬。樂陵人。前鈔君宜公姪。康熙丁酉舉人。

由遵化知州官至員外郎。著游興草家居雜詠。郡志孝友傳內

召事親曲盡色養。侍父疾。勞不言瘁。父愈則曰。不生於醫之良。而生於子之孝也。任遵化州。以廉惠稱。陞員外。

郎未任而卒

王秋史故居

給事西莊近。鴉嘴夕照愁。寒泉當戶響。落葉滿城秋。道大來多謗。才高不自謀。相如遺稿在。恐有茂陵求。

張懷鑑

見前鈔

字澄懸。樂陵人。古狂公從孫。太學生。

宋明章表弟。至自高城小飲。

一日甯堪別。況經兩月餘。感君多贈句。愧我久無書。露冷蛩音老。風高雁陣疏。殘秋欣聚首。豪飲醉庭除。

張渠 見前鈔

字石渠號敦夫樂陵人古狂公孫歲貢著瞿所齋詩家

傳以詩文世其業世稱文介公繼武之孫生平不稱人惡人以爲難

懷同社

從來不解相思苦今日方知作客難嘯詠更無人唱和晨昏祇與我盤桓別來契濶書誰達話到團圓夢易闌落照昏黃鴉噪急沈吟徧倚玉闌干

劉學渤

字百川利津人歲貢著游齊魯紀畧郡志文苑傳學渤博學能文嘗以所

作帝王遺範獻輦下著利邑續編今新刻邑志半仍其稿

途中卽景

霜天黃葉後秀色薄林垆遠樹成帷幙遙山列畫屏細流滌曲澗落月帶殘星盡入新詩句吟鞭莫暫停

王爾梅

字子和海豐人冰壺公子廕生候選七品京官著南游

詩草張完質王君傳先生行無畦町言無俗韻嗜酒醉則爲小詩尤精岐黃但不易應人求已諾則必止

酒精思三五日而後得之投則必效以其有妨於酒故不易爲也

聞雁

靜夜遙聞雁音疑向北飛安能憑汝翼同作一行歸

勞爾業

字敬思號愚齋晚號漫叟陽信人歲貢著說文正訛諸

禮辨正格言廣義正名考韻畧等韻新譜韻畧郡志儒

業博聞強記試輒冠軍終不得志於有司而窮通得喪

漠然無關於心惟集古今格言彙為家範而力踐之生

平尤工詩古文詞慶雲崔念堂大令旭詩話敬思先

生深於詩自序云少耽吟詠垂二十年屈指從前強半

寄西崑廡下年來日以韓杜諸公相涵洗然每一脫筆

故我依然云云五言如樹密蒼烟合天低白日斜意氣

錢刀盛詩書土芥輕七言世情過眼浮雲薄花氣薰人

臘酒濃逢時難學乘軒鶴垂老甘為蠹字魚膏肓難療

惟吟癖廣莫無根只醉鄉天難問

處偃隨虎事不平時鼠食牛皆佳

華不注

主客勢攸分物情常趨熱此都有歷山羣峯亂迎謁近者若拱

揖遠者如蹙躡華山猶高士傲然意不屑獨立千萬尋意態雄

且傑岡巒絕依附巉巖見高潔怪石何槎枒十步紆九折我來

常再拜磊落仰高節會當登其巔乘風翔玉闕

放歌行

信陵不作平原死金臺蔓草沒遺址不須奇服慕遠游巢由稷

契偶然耳早歲磊塊一石餘擬把巨緝釣鯨魚白波駭浪高於

屋十年堅坐空欹歔今來深藏射虎手抱犢荷耒伴耕叟愛取

當前現在身。漫向千秋爭不朽。萬事車轉轂。百年鳥過目。胡爲乎女。媧煉石。誇補天。夸父逐日。矜捷足。槐安國裏。白日長。邯鄲道上。黃梁熟。眼底塵埃。十萬斛。胸中柴棘。三千束。禍福塞公馬。得失鄭人鹿。天道難憑。雲無心。人生分定。布有幅。且可商山尋黃綺。漫從蝸角競蠻觸。

無題

懶與幽棲便。蕭然野老家。清風高士傳。舊雨故人車。談易三升酒。吟詩七碗茶。起居聊自適。隨分是生涯。

漫興

樗櫟空山五十春。清時著得不才身。蓬蒿三徑渾因懶。喜怒一生常是真。肯向侯門稱上客。聊將餘事作詩人。南村爲問今何處。可許淵明與卜隣。

一室安閒處。土窩吳鉤中。夜自摩挲。銷人意氣。牛同阜。過眼光陰。馬注坡。海上難期。惟大藥。尊前無奈。是清歌。衝霄劍氣。依然在。太息張雷。今幾多。

初夏

頻年拓落閉柴關。不愛喧譁只愛閒。消我窮愁惟白墮。帶人幽夢只青山。憑誰相賞驪黃外。此子端宜巖壑閒。莫向仙風憑引

權蓬萊近處又吹還

張志奇

見前鈔

字鴻儒號雨亭利津人雍正庚戌進士官至宣化知府

邑乘志奇任天津查勘河淹村莊八十餘處賑以錢米
縣衣凡六千餘戶截留流民分解原籍凡四千餘口陞
涿州又陞宣化府軍興擾攘買馬辦糧奔走塞外籌畫
各邑餵養駝馬官民稱頌其正己率屬善政尤難枚舉
云

過圓津精舍

選佛場初到山門日漸曛亭幽宜待月閣迴易生雲含笑花迎
客忘機鳥樂羣農歌何處谷清磬一聲聞

天津八景 鈔四

七臺環向

幾輔巖疆有駐師七臺棋布自厓巖時清無復驚烽火盡日靈
風捲畫旗

洋艘駢津

一水淼茫浪拍天吳儂畫舫蛋人船 聖朝何意通蠻貨自為
觀光近日邊

南原樵影

城中鴛瓦碧粼粼極目平原遠市塵古徑寒林樵擔出分明摩

詰畫中人

西淀漁歌

瀰漫野水集漁舟。泛泛漁翁發櫂謳。斜日微風吹過岸。一聲聲
出白蘋洲。

武定詩續鈔卷五

利津李佐賢竹朋編輯

吳象默

見前鈔

字從之。號健輿。海豐人。克菴公子。諸生。以子紹詩。贈

尚書著半閣詩集。

郡志文苑傳。象默於書無所不讀。兄弟皆授巍科。默獨不售。好鼓琴。得趣

在絃指外。詩百餘篇。官贊。趙秋谷序而傳之。性醇懿。族黨稱其孝友。

雜感鈔一

郢人棄和璞。宋人寶燕石。寶賈與棄珍。相去不盈尺。是以被褐
人。往往在川澤。雖無什襲榮。亦免別足責。



健興詩

人生俯仰間。酸鹹因嗜殊。標名以稱字。其義何能誣。或以警草
弦。或以別瑟竽。或以地名谷。或以物號廬。彼固各有取。非徒美
稱譽。顧余闕茸者。棄材類櫟樗。名不掛人齒。頭銜欲自除。巖壑
與廟廊。總覺未肖余。不謂游槐國。如有客與俱。恍惚夢中言。字
我以健興。醒來自詫異。疾索紙筆書。書罷煩詳解。此義將安居。
乾健屬天行。興乃任地車。任地且行健。甯憂淪以胥。平洋無蹶
足。履險若坦途。負重兼致遠。堪此效馳驅。原其字余意。或是之
取諸。服膺以終身。焉往不自如。

夏日漫興

落拓襟情散。支離歲月長。家貧疏骨肉。身老洞行藏。暑蘊晨階
熱。霖淤晚稼傷。悠然濠濮上。齊物羨蒙莊。

空庭

簾捲秋生枕。空庭意若何。鑪烟沈夢細。花雨濺愁多。坏戶蟲思
蟄。巡檐鳥噪窠。年華朝袞袞。誰與問羲和。

冬來病起無聊讀范石湖示兒雜詩十二律感和小鈔二

每笑馮生鋏。時憐楚客簫。乾坤豪氣在。風雨壯心銷。目眩雲遮
日。心蒸海上潮。那知騎鶴客。只是解纏腰。

武定詩編金
二
偃蹇三年客。崢嶸數口家。智如葵衛足。春待蓼生芽。好景詩中
畫。浮生鏡裏花。神仙行地有。不必棗如瓜。

冬夜

此生合與冷相宜。誰許窮陰煖律吹。殘雪綠風寒入牖。孤燈將
影夢侵幃。鶴憐老去無餘俸。鵲欲巢來失舊枝。獨有絲桐聲抑
切。黃雲秋塞續離思。

吳象弼

見前鈔

字似之。號康臣。海豐人。克菴公子。雍正癸卯舉人。著杞
樹屋詩集

張坤行留飲白雪樓觀題名碑

大雅久不作。文瀾恣簸弄。厯下久已矣。悠悠誰與共。來登白雪
樓。諸生集絃誦。坐愛臯比人。風雅歸鹿洞。埽徑破苔痕。洗盞分
鶴俸。步踏槐陰移。清談言有中。兩楹見石碣。轟轟接棟。卻立
一摩挲。名比千佛重。仰止在先民。矯矯麟與鳳。天半想峨嵋。雲
去目爲送。

舟中雜詩鈔二

客路臨殘歲。生涯付斷篷。孤舟皖口北。歸夢太行東。暮雀攢枯
葦。寒鴉點落楓。此行將聚首。未敢怨途窮。

武定詩讀鈔

卷五

三

風便起鳴榔。客心殊渺茫。天隨波遠近。人與水低昂。極浦迴魚嘴。寒鐙沒蟹莊。鞋山相望處。終日對彭郎。

除夕抵濟南

忽忽三千里。揚鞭見鵲華。鄉心繫桃梗。歸信誤梅花。爆竹迴征馬。屠蘇閉酒家。誰知今夜夢。猶是在天涯。

濟南試歸雜詩 鈔二

卜居雅稱碧谿彎。位置牆東屋數間。曉雨幾條衣帶水。晚雲一片米堆山。泥滋花徑勤須埽。客少柴門那用關。左耳已聾且高枕。何妨側聽鳥絲蠻。

瓜田二畝問東陵。滋味還同退院僧。垢土細分蝴蝶甲。折枝深壓鷺鷥簾。從誰倒屣迎王粲。何處登門訪李膺。一扇蒲葵汗如雨。把書猶照鐵齏鐙。

村居雜詩 鈔一

餌朮餐霞分已窮。白頭應作飯牛翁。老依獅象龕鐙下。闌入雞豚酒社中。未必麻姑爭狡獪。何須橋叟自丁東。嶺雲生處招君看。斜日通明是斷虹。

金陵雜詩 鈔二

佳麗從來豔六朝。一番風雨感蕭條。山臨鍾阜明殘照。水到秦

淮咽晚潮羽警客沾花市酒珠簾人弄畫樓簫繁華莫問烏衣燕自蹋紅塵上內橋

桃葉渡頭秋雨時木蘭舟上酒盈卮鐙前紅豆尙書句眼底青

山小謝詩金粉千年豔牛渚笙歌一片付烏絲門前有客如龍

虎可是孫郎帳下兒時分校武闈

詠古絕句鈔三

博浪纜驚中副車沙邱已載梓宮魚可憐最是坑儒後偏贖黃

公一卷書

漂女恩留淮水濱未與血濺漢宮塵誰知翦項夷秦客生死都

出兩婦人

清涼居士老樵漁常勝將軍百戰餘胡馬中原塵蔽日卻令湖上繪騎驢

范 孖

字仲子霑化人仲亮公孫雍正丙午副貢官長清訓導

郡志文苑傳孖與兄姓學生少孤性友愛讀書守禮試
輒冠當時王新城黃北平諸宗匠皆目爲國士五十始
中副榜任教諭課
諸生不倦以老歸

奉和東翁苗先生原韻

長白家聲遠遺來翰墨新鄭虔官自冷公瑾酒偏醅道義千秋

重肝腸一味真。嗟予空老大。食賤且居貧。

張敕

字又村。號鸞書。利津人。而亭公子。

恩貢。

公為余外祖。余前母乃公。

仲女也。余生也晚。未及侍公左右。然聞公與惠民吾宗。味初。公交好。時相唱和。諒為詩不少。今已不盡存矣。

東津曉渡

濟水何清清。遙望滄海注。羨此玉帶長。頓使金湯固。爭出觀濤門。凌晨尋古渡。河西城上樓。河東村邊樹。中橫一葉舟。鼓櫂頻來去。夾岸楊柳青。人烟雜朝霧。勞勞車馬客。招招舟子住。漿搖殘月影。不覺曉風度。曙色迷離中。欵乃聲無數。蓼花擁野航。布

帆捲夜露。宿鳥帶波飛。漁翁把釣具。一幅水雲景。誰與托毫素。巨川應作楫。仙槎儻可遇。

河上

河干風景最宜秋。繞徑桑麻散步游。茅屋三椽鄰菜圃。蘆花一片擁漁舟。雖無遠信傳征雁。尙有閒情到野鷗。隔岸樓臺明返照。紅霞點染碧雲頭。

野寺

舊是當年選佛場。殘垣破廟任淒涼。幾團鬪蟻緣荒砌。一樹歸鴉噪夕陽。不見僧雛談法界。猶餘詩壁弔禪房。宵來莫聽鯨魚

武定詩續錄
吼空有閒雲落上方

悼亡

年年除夕聚團圓。今夕渾忘改歲年。失恃雙兒知識少。還尋帶
歲有金錢。

劉佩珂

字玉菴。利津人。百川公子。雍正乙卯舉人。官蓬谿知縣。

著劍南集北溟集。

甘肅濱序公集云。其在蓬也。起弊振衰除惡。安良達之人。頌不絕口。越一年竟辭退。所為詩文。卽事抒懷。自鳴不平。而氣和體適。不與世競高下。故亦無激昂揚厲之音。發於楮毫。真讀與書人。

懷古八詠

錄二

理數不相離。尼山罕言命。天人倚伏機。誰能若懸鏡。長平旣共
殃。南陽亦同慶。三刑與六合。生剋甯互證。相宅更紕繆。五音屬
五姓。選日擇墓田。人子昭慎敬。如云術數家。能司禍福柄。管輅
暨郭璞。胡不自爲政。修悖分吉凶。格言衷賢聖。博士呂才編。刊
定得其正。
人世競錐刀。昏旦爭營逐。持籌無已時。得隴更望蜀。我聞晏平
仲。如布帛有幅。巢林願一枝。飲河期滿腹。成都賣卜翁。百錢亦
已足。閉肆讀老子。翛然遠塵俗。益貨損我神。千載仰高躅。

牧童樂

牧童兮樂何極。南山南北山北。披輦蓑戴輕笠。赤足無憂露厭
浥。報牛平安耳濕濕。夏秋之交。草肥時雨澤。應候水泉滋。或降
於阿或飲池。我唱子和。邀且嬉。此扣角兮。彼操鼗。三三五五各
星散。有時聚。話在隴畔。側聞里中父老言。邇來太平息征戰。里
正不聞催解牛。黃犢烏犍悉無患。謂我牛兮勿驚忤。不責爾糞
金不用爾火攻。田野闢兮爾之功。爾茁壯兮酬我傭。我與爾兮
性命通。牧童兮牧童。乘牛出兮日曛曛。乘牛歸兮晚霞烘。沐細
雨兮櫛斜風。偃仰牛背任西東。橫笛一聲天地空。

蜀中小婦歌

蜀中小婦何便娟。嫁得前村惡少年。禾生隴晦自耘耨。草茸力
怯誰爲憐。露浥單衫雨洗鬢。風吹日曝衰紅顏。猶憶香閨冶容
女。嬌羞丰韻多幾許。曉拭玉鏡臺。私喜畫眉嫵。倩人貼翠鈿。不
自著金縷。牡丹亭上繡鴛鴦。茶蘼架下調鸚鵡。笑看步步蓮花
生。那識貧家力田苦。鄰家女兒相招呼。問壻曷不同荷鋤。未語
先幽咽。藁砧有若無。黃公鑪邊賒斗酒。浮白大醉狂呼盧。妾身
隻影勤耘耔。堂上猶有黃髮姑。晨起汲爨進姑膳。及歸再炊日
已晡。盼夫不歸鐙漸灺。空房夜永獨辟纊。人生賦命有厚薄。判

如草卉與花萼。曠野生秋茶。雕闌開芍藥。東家葦爲門。西家珠
爲箔。南里日日饜藜藿。北里夜夜羊羔酪。安食貧甘力作。甯嫌
褻布與荆釵。敢羨粉黛倚香閣。

寫懷

擾擾勞生朝復暮。紅顏易逝春難駐。百歲光陰同隙駒。多歧總
是亡羊路。欲游宦宦况非所欣。宣室徒前賈生席。執戟空老楊
子雲。不聞彈冠王引貢。但見傾軋嬰避蚡。東陵故侯青門圃。一
枕黃梁日未曛。欲逃禪禪義何元遠。曾說初地與化城。誰嗣鷲
峯與鹿苑。雨花飛錫總虛無。葱嶺隻履不復返。欲學仙仙道徒

依稀桑田滄海自今古。爛柯山頭幾人歸。接引漫道浮邱伯。化
鶴誰認丁令威。我愛西湖濱。更羨太華麓。梅印和靖窗。雲霧希
夷屋。一曲琴奏秋月明。古調詩成山色綠。志和泛宅作生涯。嗣
宗清嘯動幽谷。或倚弘景松。或對子猷竹。興酣渾忘接離斜。酒
熟何妨葛巾漉。吁嗟乎富貴直如浮雲輕。竹帛奚須身後名。撫
時甯傷鄧禹笑。顧鬢輒令潘岳驚。蝸角蠅頭果何物。催我華髮
二毛生。男兒自有凌霜欺雪之傲骨。安能羶逐蟻附時營營。一
竿可垂釣。數畝足躬耕。爲語青山訂後約。自與白鷗有素盟。

潼關

五知詩經金
九
四扇明朝旭。雄關據上游。衝途連雍豫。扼要列貔貅。北繞黃河
曲。東瞻紫氣浮。西風琴劍冷。長嘯動高秋。

劍南道上口占

故園游子憶。征旆又迴翔。樓閣衝朝露。關津度夕陽。飛泉噴峭
壁。古寺枕橫塘。山鵲呈殊色。巖花吐異香。雲端排驛路。天際列
城隍。九折羊腸峻。千盤鳥道長。探幽勞躡屐。履險戒垂堂。不涉
畏途徧。安知平地康。吾廬濱海岱。世業足耕桑。誰使爲形役。慚
因五斗忙。

吳紹治

字鑄南。號蠹餘。海豐人。芝園公子。諸生。著覆瓿草。

晚到濟南

城闕依稀近。山程取次登。馬嘶深巷月。人語小樓燈。風帶寒柝
響。橋連秋水澄。平生少行役。對此感懷增。

晚行

旅況蕭條甚。淒涼意不勝。城頭風撼鐸。林杪月懸鐙。遙吠籬中
犬。旋歸樹裏僧。倦魂飛未定。何處歇行蹤。

遠望

縱目平原上。孱身怯早秋。亂雲低冑樹。澄水遠涵樓。嫋嫋西風

急冥冥北渚愁。誰家理歸櫂。明月滿汀洲。

吳紹甲 見前鈔

字衣言號雪心海豐人克菴公孫官單縣訓導著雪心

詩集

濮陽陳周璜原雪心詩經營慘淡從有意無意中組織精巧接武香山不愧也

偶成

傲俗吾何敢。干人事未諳。世情任翻覆。古道自艱難。花綻逢良友。詩成勝好官。夢魂時寄此。天地若為寬。

張廷翰

字文林海豐人諸生

秦臺

高臺凌空翠。樵路平如砥。上蒙千尺松。下接萬里水。不見徐福還。但聞祖龍死。落日無人行。白鷗接翅起。

孫際平

字篤恭商河人著十槐堂詩草

卽目

一雨平添水半篙。漁人沽酒醉霜螯。船隨風去不搖櫂。欸乃一聲秋月高。

李燮如

字理昭號翁齋霑化人雍正癸卯拔貢著河村集晉游
草樂游草

客夜

客思迢遙夜不眠。官衙鐘漏聽經年。一千八百更籌點。歷歷分明到枕邊。

李休

見前鈔

字簣園號師晦海豐人。匪莪公會孫。布衣著中州紀程。草吳中草簣園吟聲詩錄詩經傳序彙纂周易自腴編。經傳摭言四書釋注燕翼編。

詠古 鈔七

孟嘗君

孟嘗西相滯秦京。素得雄豪養士聲。食客三千無一策。同來函谷聽雞鳴。

四皓

誰是高皇倚重臣。秘謀俱讓子房親。因何國本翻無策。卻借商山四老人。

楊子雲

著作傳家薄海聞。因何漫作劇秦文。儻從居攝抽身退。便是猶

龍一隱君

巖子陵

仙蹤高潔臥江湖。澤國披裘作釣徒。定有奇謀堪顧問。豈真碌碌一狂奴。

班超

投筆翻然事五兵。玉門關外月輪明。虎頭食肉封侯相。邊釁誰開怨此生。

祖述

北渡中原未着鞭。中流空擊過江船。南朝無意收京洛。辜負雞

聲到枕邊。

白樂天

中原海外誦歌行。樂府新詞變雅聲。何物老元偷格律。也同白傅並留名。

李魯

見前鈔

字得之。號石鶴。海豐人。匪莪公從曾孫。乾隆丙辰副貢。

著石鶴集稗史。

按盧雅雨稱先生與博好學而詩不入格。僅錄一首。今觀諸作。精心結構。撰無拾

人牙慧語。固亦詩壇中之獨開生面者。

快游詞

正定詩編錄
朝亦黃牛暮亦黃牛朝暮萬里迅速十洲何以駐足稱吾快游
日惟天池江海浮漚

答徐山有由蜀寄懷

何堪一日別積此三年淚瞠目誦君詩不竟二十字我亦有片
言訴君君須記遠道尺書難鱗鴻思便寄澌澌明湖水歷歷南
山翠惆悵送春風不盡別離意漢水何迢迢巴山何最屬夢魂
千里餘勞我一長喟

珊瑚曲

郎自海南來贈妾珊瑚樹此樹良足珍此贈將無誤歲月老華

顏妾容已非故對此璀璨光能不令妾妒

陌上女

采桑陌上女勸郎毋一顧天地有大藥紅顏不可駐蕭蕭亂草
間中有真娘墓

秋雨謠

雨罷千家哭禾黍霑震霖有吏昨日來索我中田穀中田有穀
不成熟一雨更使民生蹙

行馬谷山下

曠野孤峯出蒼茫望裏真地隨民並瘦山與俗全貧霧氣能吞

正定詩集
海風聲欲撼人。驅車當落日。一雁掃秋旻。

盛夏

農時逢盛夏。有耦可同耕。闢地百尋濶。種禾三寸生。馬忙鄰娶婦。犬靜吏歸城。共課新晴好。風柔景亦清。

詠古

髣髴闌干映落霞。當年曾此駐香車。風鬟霧鬢迷荒草。月戶雲窗賸野花。猶憶藏嬌金屋貯。渾疑弔古玉鉤斜。一時多少教歌輩。知在樓前第幾家。

村居

十里水雲縹渺鄉。村居甯有市朝忙。因風脫帽清涼法。邀月飛觴自在方。種豆園中課晴雨。栽花籬外當垣牆。醒能供汲嬾能睡。一日真如二日長。

古意

郎宿鄰家路永分。還郎手畫錦鴛裙。遣人多與脂塗轂。莫使車聲妾耳聞。

望騮山

雨後青黃徧海涯。芸生何處不芳華。行行十里騮山近。籬落齊開野菜花。

薄毓泰

字二望號學山利津人諸生

詠菊

黃花標晚節。淡雅有誰儔。冒雨幽香送。迎霜傲骨留。蕭疏三徑色。燦爛一庭秋。慣惹先生醉。風流插滿頭。

張金詔

字生瑞號耐夫樂陵人敦夫公從弟太學生

敦夫兄藥室

銅鑪泥竈炷丹沙。自蕪茗香自點茶。虛榻午風生細枕。閒階春

雨長叢花。時窮墳典追三古。舊註蟲魚貫百家。松竹蕭然陶令宅。誓容小隱傲烟霞。

王同之

字淑虞號普菴海豐人子和公元孫乾隆庚子優貢官

維縣教諭以子惟誠贈雲南布政使袁玉堂大令潔

王淑虞醇雅和平粹然儒者兩子俱登科長君惟誠次君惟詢一任部曹一入詞館咸以為先生厚德之報云

○郡志入儒林傳

送張溟州太守歸滇南

使君來。箭張酒趙心膽摧。使君去。風沙萬里黃雲戍。使君還。

天子已識平原顏。留不住歸廬墓側。馴烏兔兔朴朔烏畢通。嗟汝有足翼。不肯爲我遮輪輿。歷山之麓灤水之澳。父老子弟告戒諳復。士實雍雍農實喁喁。工實蒙蒙買實融融。勿卽頑勿及慢。使君重來好相見。

送張船山太守去萊

年少英華發。才名達帝天。一麾方出守。三載竟歸田。貧豈因官減。清能以品傳。公餘多著作。歌詠滿瑤編。

杜 肅 見前鈔

字羹臣。號毅亭。濱州人。子濂。公孫。乾隆丁巳進士官上。

思知州以曾孫受田

贈大學士著聽松軒詩

新建曹地山杜

公墓誌公牧上思多循績其地無麥爲購種教之樹藝至今呼爲杜公麥。郡志循良傳肅補襄陽令公慎廉明一介不取襄人刻石頌德於嘉福堂設位祀焉。

曉過山口

草滑著新霜。峯轉見殘月。何處早行人。鈴聲隔林歇。

青縣晚渡

何處堪投宿。黃昏古渡頭。疏鐘聞遠寺。微火識孤舟。烟隔荒城起。波通大海流。卻尋楊柳岸。沽酒市邊樓。

同赤亭楚枕飲金魚池

長夏經旬雨。新秋入暮天。蟬嘶濃蔭靄。魚躍疊紋圓。市近堪賒酒。囊空莫問錢。醉餘歸路好。新月影娟娟。

輓周谷南

平生義氣最堪師。杖履頻來慰我思。老興尙餘開甕日。苦吟直到蓋棺時。青編夜雨鐙搖壁。紅樹秋風葉墜枝。七字誅成一揮淚。只憑焚楮報君知。

雨中探劉磨兆同年病卽送還鄉

旅食酸辛病易侵。客窗風雨夜蕭森。多愁那更添秋思。太瘦非緣好苦吟。孤館共傾燕市酒。一鐙雙照故鄉心。爲君買就河干

權歸路無勞夢裏尋

路鯨

字百川商河人諸生

游長隄

結廬秋水傍。長隄抱蜿蜒。乘閒時縱目。片雲生絕巘。迤邐入長林。層折歷苔阪。野興隨趣深。不覺村落遠。牧童何處來。數曲笛聲晚。

秋夜

碧天如水夜雲輕。秋入湘簾夢未成。一曲欄干微有影。綠楊風

外月初生。

李壽瀟

見前鈔

字碧亭。號硯洲。惠民人。前鈔文襄公從孫。太學生。著悅
隱山農詩

西華潭

靈波渺渺散晴漪。宮樹春深綠更滋。過錦尚留新樂府。教坊齊
譜玉娥詞。

瓊華島

鏡裏輕螺寶髻妍。故宮流水玉涓涓。雲根自歷宣和劫。秋雨苔

花六百年。

張

鏐

見前鈔

字完質。號企齋。海豐人。前鈔子齊公元孫。乾隆己未進
士。官中書

答李師晦

經時疏柔翰。顛倒似債積。索求雖未至。懷之恒不釋。往者不自
量。橫戈挑強敵。國小甘退縮。行當受巾幘。投我集陶詩。刻苦出
安適。集來千狐腋。成此萬金璧。更誦歷下作。俯仰感今昔。同時
看花人。俱為席帽客。歌聲入寥廓。調高抗金石。竭來塵慮縛。轉

增幽居癖。七事聒奴僕。四愁擾肝膈。營營常中夜。往往出下策。
仲弟席未暖。旋復走傳驛。作詩贈其行。苦語不可繹。高子亦寡
歡。相對殘燈碧。談經臯比穿。煇字形骸瘠。勞勞城市中。不如爾
屏跡。近山采橡栗。入家擁圖籍。炙背黃絲襖。尋僧雙蠟屐。作述
近頗多。歲月莫輕擲。窮冬苦淒惻。何時反炎赫。得酒且獨飲。有
句卽相易。豈以解窮愁。庶幾賢博奕。

飲宋仲良齋兼誌別懷

浮生蹤跡笑荒唐。且喜相逢共舉觴。看到桃花春漸老。讌來草
閣話偏長。尊前耆舊紛多感。世味崎嶇已慣嘗。珍重出門一搔

首春流汨汨走斜陽

張鏞

見前鈔

字治園號未齋海豐人企齋公弟乾隆甲子舉人

閉關雜詩

鈔一

快掃連陰定幾時。雨聲夜夜攪鄉思。涼侵孤榻催秋至。風掠疏
簾得夢遲。薄醉未成童子睡。壯懷減盡早蛩知。沈沈成鼓高城
上。聽徹鐙前理鬢絲。

讀家兄企齋病懷詩卻寄

永日關懷老舍人。祇須料理苦吟身。莫將暮景愁婚嫁。好借閒

曹耐病貧。我便飛騰過四十。君能強健幾冬春。澆愁但有屠蘇在。名利全拋未了因。

張 鏐 見前鈔

字紫峯。號心陽。樂陵人。敦夫公從弟。乾隆甲子舉人。官

臨清學正。著寸心集。四書擇中錄。周易晚學編。春秋大

義中庸九經行義。張子淵源。同邑賈閣聞先生聲槐撰

殫心著述。有志聖賢之學。以主一無適一語隨處皆可。致力因號一銘齋。居士得朱子遺書語類。或問及性理大全。悉心研究。生性孝友。操行謹密。學者莫不欽仰。

登泰山

礪石淪消孤柱擎。行來膚寸看雲生。千重嵐氣凌霄出。一派烟
光照雪明。天入混茫通曉暮。地窮河海失縱橫。吳門練影望中
盡。懷古平添無限情。

楊 綱

字憲文。號悔庵。海豐人。夢山公雲孫。乾隆甲辰進士。官

南漳知縣。

遣懷

歲月催吾老。蕭蕭兩鬢侵。業仍披兔冊。名不到雞林。破寂擊賢
酒。消閒長短吟。他時儻捧檄。敢自負初心。

黃鶴樓上元夜

江城雪霽上元天。鶚渚樓高星斗懸。鎿火千門武昌郭。笙歌十里漢陽船。香鑪噴霧縈銀燭。舞袖迴風落翠鈿。未必揚州能勝此。何須跨鶴說腰纏。

中秋同錢德培快哉亭對月

城上官寮俯碧流。孤亭四面敞虛幽。平分霄漢三更月。坐覽江山萬里秋。戰壘超超連赤壁。征帆葉葉過黃州。眼前好景憑誰領。輸與湘靈賦筆遒。

夜坐

青霄雨過夜光清。冷露無聲月滿楹。一派蛙鳴喧入耳。官私閣閣不分明。

吳

壘 見前鈔

字翁仲號秋谿海豐人衣言公子諸生著新筍軒詩集

秋日村居雜興 鈔一

幾日霜寒小院中。淒清四壁鬧秋蟲。雲頭溼帶三分雨。窗隙涼生一綫風。荒徑不除陰尚碧。斜陽欲下葉留紅。柴門悵望空搔首。又聽遙天叫斷鴻。

張 鉞

字和臣海豐人企齋公弟諸生

寒食郊游

垂柳垂楊綠幾層。東風拂面意難勝。小橋流水桃花下。忽送游人入武陵。

